



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ

### Ո Ր Ո Շ ՈՒ Մ

-- նոյեմբերի 2021 թվականի №----Ա  
ք. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ  
ԿԱՐԳԱՎՈՐՈՂ ՀԱՆՁՆԱԺՈՂՈՎԻ 2017 ԹՎԱԿԱՆԻ ՆՈՅԵՄԲԵՐԻ 15-Ի №489Ա  
ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ,  
ԲԱԺԱՆՈՐԴՆԵՐԻ ՀՈՍԱՆՔԱԶՐԿՈՒՄՆԵՐԻ ՄԻՋԻՆ ՏԵՎՈՂՈՒԹՅԱՆ,  
ՀԱՃԱԽՈՒԹՅԱՆ ԵՎ ԹՈՒՅԼԱՏՐԵԼԻ ՍԱՀՄԱՆՆԵՐԻՑ ԷԼԵԿՏՐՈՒԵՆԵՐԳԻԱՅԻ  
ԼԱՐՄԱՆ ՇԵՂՄԱՆ ՄԻՋԻՆ ՏԵՎՈՂՈՒԹՅԱՆ ԵՎ ՀԱՃԱԽՈՒԹՅԱՆ ԲԱԶԻՍԱՅԻՆ  
ՑՈՒՑԱՆԻՇՆԵՐԸ ՍԱՀՄԱՆԵԼՈՒ ՄԱՍԻՆ**

Հիմք ընդունելով «Էներգետիկայի մասին» օրենքի 17-րդ հոդվածի 1-ին մասի «ժդ» կետը, 28-րդ հոդվածի 1-ին կետի «ը» ենթակետը, «Նորմատիվ իրավական ակտերի մասին» օրենքի 1-ին հոդվածի 2-րդ մասը, 33-րդ և 34-րդ հոդվածները, Հայաստանի Հանրապետության հանրային ծառայությունները կարգավորող հանձնաժողովի 2021 թվականի մայիսի 19-ի №180Ն որոշմամբ հաստատված կարգը, հաշվի առնելով Հայաստանի Հանրապետության հանրային ծառայությունները կարգավորող հանձնաժողովի 2017 թվականի նոյեմբերի 15-ի №489Ա որոշման 2-րդ կետի 3-րդ և 4-րդ ենթակետերը և «Հայաստանի էլեկտրական ցանցեր» փակ բաժնետիրական ընկերության 2021 թվականի հոկտեմբերի 21-ի №Ե-637-21 գրությունը՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Հայաստանի Հանրապետության հանրային ծառայությունները կարգավորող հանձնաժողովի 2017 թվականի նոյեմբերի 15-ի «Հայաստանի էլեկտրական ցանցեր» փակ բաժնետիրական ընկերության 2018-2027 թվականների ներդրումային ծրագրին համաձայնություն տալու մասին» №489Ա որոշման (այսուհետ՝ Որոշում) մեջ կատարել հետևյալ փոփոխությունները և լրացումները.

1) Որոշման 1-ին կետում «N°N°1-5» թվերը փոխարինել «N°N°1-6» թվերով.

- 2) Որոշման N°N°1-5 հավելվածների 2021 թվականի հատվածը շարադրել նոր խմբագրությամբ՝ համաձայն սույն որոշման N°N°1-5 հավելվածների.
  - 3) Որոշումը լրացնել նոր բովանդակությամբ N°6 հավելվածով՝ համաձայն սույն որոշման N°6 հավելվածի.
  - 4) Որոշման 2-րդ կետի 2-րդ ենթակետը շարադրել հետևյալ խմբագրությամբ.  
«2) սույն որոշման N°5 հավելվածով նախատեսված ներդրումների փաստացի իրականացված և շահագործման հանձնված ծավալները սակագնային մարժայի շահույթի և մաշվածության հաշվարկման բազաներում կներառվեն N°1 հավելվածի 7-րդ կետով և N°2 հավելվածով նախատեսված աշխատանքներն ամբողջությամբ իրականացվելուց և շահագործման հանձնվելուց հետո.».
  - 5) Որոշման 2-րդ կետը լրացնել հետևյալ բովանդակությամբ 2.1 և 2.2 ենթակետերով.  
«2.1) սույն որոշման N°1 հավելվածի 1-6-րդ և 8-րդ կետերով նախատեսված աշխատանքները մասնակի իրականացված լինելու պարագայում N°4 հավելվածով նախատեսված ներդրումների փաստացի իրականացված և շահագործման հանձնված ծավալները սակագնային մարժայի շահույթի և մաշվածության հաշվարկման բազաներում կներառվեն N°1 հավելվածի 1-6-րդ և 8-րդ կետերով նախատեսված և փաստացի իրականացված ու շահագործման հանձնված աշխատանքների տոկոսային համամասնությամբ.  
2.2) սույն կետի 2.1 ենթակետով սահմանված կարգավորումը կիրառվում է, եթե նույն կետով նախատեսված տոկոսային համամասնությունը գերազանցում է հինգ տոկոսը՝ կիրառելով այդ համամասնության ամբողջ չափը.».
2. Սահմանել բաժանորդների հոսանքագրկումների միջին տևողության և հաճախության ու թույլատրելի սահմաններից էլեկտրաէներգիայի լարման շեղման միջին տևողության և հաճախության բազիսային ցուցանիշները՝ համաձայն սույն որոշման N°7 հավելվածի:
  3. «Հայաստանի էլեկտրական ցանցեր» փակ բաժնետիրական ընկերությանը՝ ընկերության 2018-2027 թվականների ներդրումային ծրագրի 2022 թվականի հատվածում փոփոխություններ կատարելու անհրաժեշտության դեպքում մինչև 2022 թվականի փետրվարի 1-ը դիմում ներկայացնել (համապատասխան հիմնավորումներով) Հայաստանի Հանրապետության հանրային ծառայությունները կարգավորող հանձնաժողով:

4. Սույն որոշումն ուժի մեջ է մտնում «Հայաստանի էլեկտրական ցանցեր» փակ բաժնետիրական ընկերությանն օրենքով սահմանված կարգով իրազեկելուն հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ  
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ  
ՀԱՆՁՆԱԺՈՂՈՎԻ ՆԱԽԱԳԱՀ՝**

**Գ. ԲԱՂԱՄՅԱՆ**

ք. Երևան  
-- նոյեմբերի 2021թ.